

Na osnovu člana 2. i 72. Zakona o javnim nabavkama Bosne i Hercegovine («Službeni glasnik BiH», broj 39/14), a u vezi s Planom nabavki JU OŠ „Vladislav Skarić“ Sarajevo za 2018. godinu, i na osnovu Odluke Školskog odbora o pokretanju postupka javne nabavke broj:01-1-7-477/18, od 29. 11. 2018. godine, nakon okončanog postupka javne nabavke u predmetu nabavke radova – Građevinsko zanatski radovi na sanaciji dva mokra čvora za učenike na drugom spratu za potrebe JU OŠ “Vladislav Skarić” Sarajevo – putem postupka konkurentskog zahtjeva za dostavljanje ponuda

### Ugovorne strane:

1. Javna ustanova Osnovna škola «Vladislav Skarić» Sarajevo, Terezija br.48, Sarajevo ID:4200238130003, koju zastupa direktor škole Pirić Meho (u daljem tekstu: Ugovorni organ),

i

2. Firma "FLEX INVEST" d.o.o. Sarajevo, Vilsonovo šetalište 10, 202560440002,  
(naziv, adresa i PDV br. firme Izvođača)  
koga zastupa Elma Sinanović, direktor,  
(ime, prezime i svojstvo ovl. lica za potpis sporazuma)  
(u daljem tekstu Izvođač)

zaključile su:

## U G O V O R o nabavi radova

### Član 1.

Predmet ovog Ugovora su radovi- Građevinsko zanatski radovi na sanaciji dva mokra čvora za učenike na drugom spratu za potrebe JU OŠ “Vladislav Skarić” Sarajevo, po provedenom postupku Konkurentskog zahtjeva evidentiranog kod Ugovornog organa broj: 09-2-1-KZ/18, od 29. 11. 2018. godine, Odluka o izboru najpovoljnijeg ponuđača broj: 01-1-7-29/19, od 17. 1. 2019. godine, ponuđač "FLEX INVEST" d.o.o. Sarajevo, Ponuda broj: P-2019-18 od 14. 01. 2019. godine, koji su sastavni dio ovog ugovora.

### Član 2.

Izvođač se obavezuje da će radove iz člana 1. ovog ugovora izvesti u skladu sa važećim zakonskim i drugim propisima, standardima, tehničkim normativima i pravilima struke prema dostavljenoj i ovjerenoj specifikaciji radova koja je sastavni dio prihvaćene ponude iz člana 1. ovog ugovora.

### Član 3.

Ugovorne strane saglasne su da se radovi iz člana 1. ovog ugovora izvrše prema fiksnim jediničnim cijenama datim u ponudi za iznos:

Cijena bez PDV-a: 6.830,00 KM

PDV 17%: 1.161,10 KM

UKUPNO: 7.991,10 KM

(slovima: sedamhiljadadevetstodevedesetjedan i 10/100)

#### Član 4.

Izvođač će radove završiti najdalje u roku od 30 dana od dana zaključenja ovog ugovora.

#### Član 5.

Izvođač je dužan pridržavati se utvrđenih rokova definisanim ovim ugovorom i prihvaćene dinamike.

Izvođač ima pravo produženja ugovorenih rokova u sljedećim slučajevima:

- uslijed više sile, što podrazumijeva vanredne vanjske događaje ili pojave, ili prirodne događaje (poplava, potres i dr.),
- ljudske radnje koje se nisu mogle predvidjeti ili izbjeći, ili ukloniti,
- mjere predviđene odlukama nadležnih tijela.

U ovom Ugovoru "viša sila" znači događaj koji je izvan kontrole Izvođača i koji ne podrazumijeva pogrešku ili nemar Izvođača i koji nije predvidljiv.

Ako dođe do situacije više sile Izvođač će odmah u pisanom obliku obavještava Ugovornog organa o takvom stanju i njegovom uzroku. Ako Ugovorni organ u pisanom obliku ne zatraži drugačije, Izvođač nastavlja ispunjavati svoje ugovorene obaveze u mjeri u kojoj je to realno izvodljivo i nastoji naći sve realne načine za izvršavanje obaveza iz ugovora koje ne sprečava viša sila.

Rok za izvršenje produžit će se za onoliko dana koliko je trajala smetnja, uzimajući u obzir i vrijeme potrebno za ponovnu organizaciju i nastavak poslova u vezi sa izvršenjem usluge.

Izvođač se obavezuje da za svaki dan prekoračenja ugovorenog roka, ako rok nije u skladu sa odobrenom dinamikom, plati Naručiocu na ime ugovorene kazne 0,2% ugovorene cijene, iz člana 3. Ugovora.

Izvođač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo uslijed više sile. Izvođač ne podliježe odgovornosti za nastalu štetu i raskidu Ugovora zbog neizvršavanja obaveza, ako i u onoj mjeri u kojoj je njegovo kašnjenje s izvršenjem Ugovora ili drugi propust u izvršavanju sporazumnih obaveza rezultat više sile.

Međutim, Ugovorni organ ima pravo raskinuti ovaj Ugovor ako Izvođač:

- svojim postupcima pokaže da ne namjerava nastaviti sa ispunjenjem svojih obaveza prema ovom ugovoru,
- potpiše Ugovor sa podugovaračem za sve usluge ili prenese pojedinačnog Ugovora bez odgovarajuće saglasnosti Ugovornog organa,
- u slučajevima stečaja, likvidacije i nesolventnosti Izvršioca.

Pored ostalih obaveza, Izvođač se posebno obavezuje i to kako slijedi:

- da izvršenje radova vrši na način da se ne remeti proces rada Ugovornog organa,
- da prilikom izvršenja radova poduzme sve mjere kako ne bi nanosio štetu ili ometao treća lica. Za eventualno nastale štete koje trećim licima nastanu u vezi sa izvršenjem radova koje su predmet Ugovora, isključivo odgovara Izvođač.

#### Član 6.

Obračun izvedenih radova vršit će se na osnovu stvarno izvedenih količina i fiksnih jediničnih cijena iz ugovorne specifikacije.

#### **Član 7.**

Ugovorni organ se obavezuje da će nakon prijema radova, te otklanjanja eventualnih nedostataka po Zapisniku o primopredaji radova, zaprimanjem facture, platiti izvođaču fiskalni račun u zakonskom roku. Plaćanje se vrši bez avansa.

Plaćanje robe po ugovoru se vrši u KM, putem Trezora Kantona Sarajevo, a u skladu s propisima o trezorskom poslovanju.

#### **Član 8.**

Izvođač radova odgovara za solidnost i kvalitet izvedenih radova za vrijeme od 24(dvadesetčetiri) mjeseca, računajući od dana primopredaje radova. Unutar ovog roka Izvođač je obavezan da o svom trošku na pisani zahtjev Ugovornog organa otkloni sve nedostatke koji bi se pojavili na izvedenim radovima uslijed nesolidnog izvođenja ili upotrebe nekvalitetnog materijala.

Za sve eventualne neispravnosti Ugovorni organ je dužan reklamaciju izvršiti odmah po saznanju.

#### **Član 9.**

Ugovorni organ je obavezan Izvođaču da obzbi jedi nesmetan pristup za rad i korištenje električne energije za rad.

#### **Član 10.**

Nadzor nad izvođenjem radova vršit će radnik Ugovornog organa kojeg odredi direktor Škole.

#### **Član 11.**

Izvođač je obavezan da:

- prema članu 72. stav (6) ZJN, neće angažovati radnike JU OŠ "Vladislav Skarić" Sarajevo,
- preduzme sve mjere da ne nanosi štetu u objektu i trećim licima u toku izvođenja radova,
- preduzme sve mjere zaštite objekta na kojem se radovi izvode i o siguranje radnika, materijala, sredstava,
- obezbjedi stručnu snagu za obavljanje predmetnih radova,
- radove izvodi stručno,
- Ugovornom organu omogući vršenje nadzora,
- ugrađuje materijal i elemente koji odgovaraju standardima i propisima, koji imaju zadovoljavajuće ateste,
- izvede sve eventualne nepredviđene nužne radove, s tim da prethodno s Ugovornim organom usaglasi njihovu narudžbu,
- odmah po završetku radova obavjesti Ugovorni organ da su radovi koji su predmet ovog ugovora završeni radi sačinjavanja zapisnika o primopredaji radova i izradi konačnog obračuna,
- dostavi odgovarajuću atestnu dokumentaciju i garanciju za izvedene radove sa rokom koji je definisan ovim ugovorom.

#### **Član 12.**

Ovaj Ugovor stupa na snagu danom potpisivanja od strane ovlašćenih osoba obiju ugovornih strana i ima važnost do ispunjenja ugovorenih obaveza.

**Član 13.**

Ugovorne strane utvrđuju da se u pogledu elemenata koji nisu definirani ovim Ugovorom ima primjeniti Zakon o obligacionim odnosima.

**Član 14.**

Ugovorne strane su saglasne da će sve eventualne međusobne sporove rješavati sporazumno, a ako to nisu u mogućnosti riješiti, nadležan je Općinski sud u Sarajevu.

**Član 15.**

Ovaj Ugovor sačinjen je u četiri /4/ primjerka, od kojih svaka ugovorna strana zadržava po dva /2/ primjerka za svoje potrebe.

ZA IZVOĐAČA:

\_\_\_\_\_  
Direktor



ZA UGOVORNOG ORGANA:

\_\_\_\_\_  
Direktor

\_\_\_\_\_  
Pirić Meh, prof.  
Broj: 09-2-62/19  
Datum: 07. 2. 2019. godine

